

DOA SEMPENA MAJLIS KHATAN PERDANA

الحمد لله رب العالمين ، حمدا يوازي نعمه ويكافئه مزيدا ، يا ربنا لك الحمد كما ينبغي لجلال وجهك وعظيم سلطانك . والصلوة والسلام على سيدنا محمد وعلى آله وصحبه اجمعين

Ya Allah,

Tuhan sumber cahaya, Tuhan yang menerangi gelita alam semesta, Limpahkanlah selawat dan salam atas Junjungan Nabi Muhammad SAW Selawat daripada Nur milik-Mu yang indah tiada tara Juga tidak lupa kepada keluarga Baginda serta para sahabat yang mulia, mendoakan limpahan yang sama, limpahan selawat dan salam sejahtera

Ya Allah Ya Rahman,

Bersempena dengan program yang bersejarah ini, kami merafa'kan kesyukuran di atas keizinan-Mu sehingga majlis ini dapat direalisasikan. Dengan kerjasama dan tenaga yang dikerah, limpahkan kepada mereka nikmat dan barakah, rezeki yang mencurah-curah dan keluarga yang bahagia di samping anak-anak yang soleh dan solehah.

Ya Allah Ya Shafi Ya Kafi ya Mu'afi,

Jadikanlah peserta pada hari ini anak-anak yang sentiasa patuh patuh perintah agama, mendengar nasihat dan juga kata, tidak mambantah walaupun terluka, sentiasa berusaha membantu keluarga dan menjadi pembela dihari tua.

Jadikanlah mereka anak-anak, di dadanya ada jiwa dan cahaya, penyeri keluarga dikala gelita, menjadi Qurrata 'Ayun dikala gembira dan duka, menghormati ibu dan bapa setiap masa

Ya Allahu Ya 'Alim...

Engkau ampunlah dosa-dosa ibu bapa yang telah melahirkan zuriat, yang banyak menginfakkan tenaga dan kudrat, supaya berguna kepada agama, bangsa dan seluruh ummat, setiap langkah disusun agar selamat, walaupun berhujan berpanas mengalir peluh keringat, bertahan berteduh biarpun lelah dan penat, sentiasa berusaha tiada tamat, untuk mencari rezeki yang berkat, demi kebahagian anak-anak di dunia maupun akhirat.

Ya Allahu Ya Qahhar...

Engkau sentiasa memberi tanpa mengharapkan balasan, Engkau terus menyayangi setiap makhluk ciptaan, Engkau setia mendengar pabila hamba-hamba-Mu menadah tangan, dan Engkau mengampunkan dosa saat hadirnya penyesalan. Sesungguhnya kami amat berharap,dhamir dan bibir seiring bercakap, mohon perkenan setiap kata dan rangkap serta dimakbul doa-doa yang diungkap.

ربنا عاتنا في الدنيا حسنة ، وفي الآخرة حسنة وقنا عذاب النار وصلى الله على سيدنا
محمد وعلى آله وصحبه وبارك وسلم وسلم على المرسلين والحمد لله رب العالمين